

Broj: 620-5/21

Datum: 10.02.2021.godine.

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavku (Sl. Glasnik BiH broj: 103/14), i člana 278. Statuta Javne ustanove Opća bolnica „Prim.dr.Abdulah Nakaš“, na Preporuku Komisije za nabavku broj: 620-3/21 od 04.02.2021. godine, u postupku javne nabavke – **Usluge dezinfekcije, dezinfekcije i deratizacije i dezinfekcije ventilacionih sistema**, v.d. direktor Javne ustanove Opća bolnica „Prim.dr.Abdulah Nakaš“, je donio

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za nabavku, broj: 620-3/21 od 04.02.2021. godine i Ugovor za javnu nabavku - **Usluge dezinfekcije, dezinfekcije i deratizacije i dezinfekcije ventilacionih sistema**, dodjeljuje se ponuđaču **DESINFECTA d.o.o.** Sarajevo, ponuda broj P-14/21 dostavljena dana 19.01.2021. godine, sa konačnom cijenom ponude nakon provedene E-aukcije u iznosu od 6.172,86 KM bez uračunatog PDV-a, odnosno 7.222,25 KM sa uračunatim PDV-om kao najpovoljnijem ponuđaču.

**Član 2.**

Postupak iz člana 1. ove odluke proveden je metodom „konkurentski zahtjev za dostavu ponuda“, te je nakon otvaranja ponuda provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u tenderskoj dokumentaciji predvidio provođenje E-aukcije.

**Član 3.**

Nakon prijema i evaluacije ponuda konstatovano je da su ponudu za predmetnu nabavku dostavila 5 (pet) kvalifikovanih ponuđača i to:

1. **DESINFECTA d.o.o.** Sarajevo sa konačnom cijenom ponude u iznosu od 6.172,86 KM bez uračunatog PDV-a;
2. **SANITACIJA d.o.o.** Sarajevo sa konačnom cijenom ponude u iznosu od 6.200,00 KM bez uračunatog PDV-a;
3. **IDS-ZDRAVA SREDINA d.o.o.** Sarajevo sa konačnom cijenom ponude u iznosu od 10.470,00 KM bez uračunatog PDV-a;
4. **SANACIJA 3D d.o.o.** Sarajevo sa konačnom cijenom ponude u iznosu od 19.800,00 KM bez uračunatog PDV-a;
5. **KRISTAL d.o.o.** Sarajevo sa konačnom cijenom ponude u iznosu od 25.440,00 KM bez uračunatog PDV-a;

U predmetnom postupku zaprimljene su 2 (dvije) ne kvalifikovane ponude ponuđača i to:

1. SANI-TOX d.o.o. Sarajevo
2. EKO-TIM d.o.o. Sarajevo

#### Član 4.

Izabrani ponuđač **DESINFECTA d.o.o. Sarajevo**, umanjio je cijenu ponude nakon provedene „E-aukcije“ za:

1. procenat od 79,42%

S tim u vezi sve jedinične cijene po stavki iskazane u Obrascu za cijenu ponude umanjit će se za isti procenat i te umanjene cijene će se primijeniti u Ugovoru o javnoj nabavci radova.

#### Član 5.

Izabrani ponuđač se oslobađa obaveze dostavljanja originala ili ovjerenih kopija dokumentacije iz člana 45. i 47. Zakona o javnim nabavkama jer je iste dostavio uz ponudu.

#### Član 6.

Prijedlog ugovora o nabavci dostaviće se na potpis izabranom ponuđaču nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude

#### Član 7.

Ova Odluka objaviće se na internet stranici Javne ustanove Opća bolnica „Prim.dr.Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 71. stav. 2. Zakona o javnim nabavkama.

#### Član 8.

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama

#### Obrazloženje

Postupak javne nabavke pokrenut je Odlukom o pokretanju postupka javne nabavke broj: **11398-2/20 od 10.12.2020. godine.**

Javna nabavka je sprovedena putem **konkurentskog zahtjeva za dostavu ponuda.**

Procijenjena vrijednost javne nabavke bez PDV-a je **30.000,00 KM.**

Obavještenje o nabavci broj: **1125-7-2-3-3-5-/21**, poslato je na objavljivanje

dana **05.01.2021.godine**, a objavljeno je na Portalu javnih nabavki dana **05.01.2021. godine.**

Komisija za nabavku, imenovana je Rješenjem broj: **11398-3/20 od 10.12.2020. godine.**

Komisija za javnu nabavku dostavila je v.d. direktoru Javne ustanove Opća bolnica „Prim.dr.Abdulah Nakaš“ Zapisnik o pregledu i ocjeni ponuda broj: **620-2/21 od 04.02.2021. godine.** Preporuku o izboru najpovoljnijeg ponuđača broj: **620-3/21 od 04.02.2021. godine** i Izvještaj o radu broj: **620-4/21 od 04.02.2021. godine**, u postupku javne nabavke – Usluge **dezinfekcije, dezinfekcije i deratizacije i dezinfekcije ventilacionih sistema**



U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno 7 ponuda,
- da je blagovremeno primljeno 7 ponuda,
- da nije bilo neblagovremeno primljenih ponuda,

- da su ponude ponuđača: **DESINFECTA d.o.o. Sarajevo, SANITACIJA d.o.o. Sarajevo, IDS-ZDRAVA SREDINA d.o.o. Sarajevo, SANACIJA 3D d.o.o. Sarajevo i KRISTAL d.o.o. Sarajevo Sarajevo** kvalifikovane i prihvatljive te da su dostavljeni svi traženi dokazi propisani tenderskom dokumentacijom, na propisan način,

- da ponuda ponuđača **SANI-TOX d.o.o. Sarajevo**, nije kvalifikovana i prihvatljiva iz sljedećih razloga:

Ponuđač **SANI-TOX d.o.o. Sarajevo** nije dostavio Izjavu o prihvatanju roka za izvršenje usluga (Usluge će se pružati sukcesivno po pozivu u toku od 1 (jedne) godine od dana potpisa ugovora) u skladu sa odjeljkom b) **PODACI O PREDMETU JAVNE NABAVKE**, koja je pod tačkom 5. Rok za izvršenje usluga zahtjevana kao **DOKAZ** na strani 4. tenderske dokumentacije.

Ponuđač **SANI-TOX d.o.o. Sarajevo** nije dostavio Izjavu o prihvatanju uslova, roka i načina plaćanja (30 (trideset) dana, virman, po izdatoj fakturi sa radnim nalogom) u skladu sa odjeljkom e) **OSTALI PODACI**, koja je tačkom 5. Uslovi, rok i način plaćanja izabranom ponuđaču zahtjevana kao **DOKAZ** na strani 23. tenderske dokumentacije.

Imajući u vidu prednje navedeno, odbacuje se ponuda ponuđača **SANI-TOX d.o.o. Sarajevo** u skladu sa članom 68. stav (4) tačka i) Zakona o javnim nabavkama.

- da ponuda ponuđača **EKO-TIM d.o.o. Sarajevo**, nije kvalifikovana i prihvatljiva iz sljedećih razloga:

Ponuđač **EKO-TIM d.o.o. Sarajevo**, nije dostavio Izjavu ponuđača potpisanu od strane odgovorne osobe i ovjerenu pečatom ponuđača da će usluge DDD vršiti u terminima koje odredi ovlašteno lice ugovornog organa, u skladu sa odjeljkom e) **USLOVI ZA KVALIFIKACIJU PONUĐAČA**, tačka 4. Tehnička i profesionalna sposobnost – član 48.-51. Zakona o javnim nabavkama, koja je zahtjevana pod tačkom 4.4. Dokaza na strani 11. tenderske dokumentacije.

Imajući u vidu prednje navedeno, odbacuje se ponuda ponuđača **EKO-TIM d.o.o. Sarajevo** u skladu sa članom 68. stav (4) tačka i) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, v.d. direktor Javne ustanove Opća bolnica „Prim.dr.Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

**najniže cijene:**

- Naziv ponuđača čija je ponuda ocijenjena kao najpovoljnija:

1.	Naziv ponuđača	Ponuđač: DESINFECTA d.o.o. Sarajevo
2.	Sjedište i adresa	Ul. Tvornička 3 71210 Ilidža
3.	Ukupna cijena ponude bez PDV-a	6.172,86 KM
4.	Rok za izvršenje usluga	Usluge će se pružati sukcesivno po pozivu u toku od 1 (jedne) godine od dana potpisa ugovora
5.	Rok, način i uslovi plaćanja	30 (trideset) dana, virman, po izdatoj fakturi sa radnim nalogom
6.	Podaci o dijelu ugovora koji se daje u podugovor i podaci o podizvođaču, ako je primjenjivo	Ponuđač ne namjerava sklapati podugovor sa trećom stranom

Izabrani ponuđač je izabran primjenjujući kriterij najniže cijene, čime je utvrđen sukcesivan red:

- DESINFECTA d.o.o. Sarajevo sa cijenom od 6.172,86 KM bez PDV-a
- SANITACIJA d.o.o. Sarajevo sa cijenom od 6.200,00 KM bez PDV-a
- IDS-ZDRAVA SREDINA d.o.o. Sarajevo sa cijenom od 10.470,00 bez PDV-a
- SANACIJA 3D d.o.o. Sarajevo sa cijenom od 19.800,00 KM bez PDV-a
- KRISTAL d.o.o. Sarajevo sa cijenom od 25.440,00 KM bez PDV-a

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim.dr.Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javne ustanove Opća bolnica „Prim.dr.Abdulah Nakaš“, Kranjčevićeva broj 12, 71000 Sarajevo.**

Žalba se podnosi u najmanje 3 (tri) primjerka.

Pripremio:

Kenan Čengić, BA općeg prava – službenik za javne nabavke



**V.D. DIREKTOR**

**Prof. dr.sci med. Ismet Gavrankapetanović**



**Dostaviti:**

- Ponudaču: **DESINFECTA d.o.o. Sarajevo**
- Ponudaču: **SANITACIJA d.o.o. Sarajevo**
- Ponudaču: **IDS-ZDRAVA SREDINA d.o.o. Sarajevo**
- Ponudaču: **SANACIJA 3D d.o.o. Sarajevo**
- Ponudaču: **KRISTAL d.o.o. Sarajevo**
- Ponudaču: **SANI-TOX d.o.o. Sarajevo**
- Ponudaču: **EKO-TIM d.o.o. Sarajevo**
- Odjeljenje za ekonomsko-finansijske poslove
- Odsjek za javne nabavke
- Komisija za javne nabavke
- Odsjek za održavanje higijene
- a/a.